



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

13. Leandri & Phyllidis, pericula amantium, fabulæ.

urn:nbn:de:hbz:466:1-45701

care. Cū ergo aquis innatando fessus esset, latrare incipiebat. Accurrit molitor, & in terram pronus porrecta manu eum aliquoties extrahit, ne rapido alvei impetu superatus atque abreptus in Molendini rotas incurreret, ac laceratus in profundum iret. Aliquando eodem delapsus vidit, denuoque humi prostratus manum extendit ad eum extrahendum; sed canis, quia diutius se se refrigerare, & in aquis ludere cupiebat, manum molitoris momordit, ne extraheretur. Indignatus igitur molitor ingrata bestia, illinc discessit; neque postea, eo multum latrante, rediit ad ripam. Prævalente igitur aqua, & lassatis viribus, in rotas abductus, misere periit, molitore nihil amplius mordacem bestiam curante. Quoties hoc hominibus contingit? Spontè de saxo saliant. Spontè in fluctus se spargunt. Spontè ad cauponas eunt, ubi post pocula lites, rixæ, cædes reperiuntur. Spontè eunt, ut se noxio nimioque potu refrigerent; spontè lupanaria adeunt, ubi rivalibus se sauciandos exponunt. Aliquoties inde à parentibus, magistris, bonis socijs, quin & Confessarijs extrahuntur. Inciderunt aliquoties in dolores capitis, in stomachi cruditates, in febres; & inde quoque arte medica extrahuntur. Sed toties itur in antiquam siluam, ut tandem consuetudine potandi, rixandi, scortandi contracta, non sinant se amplius extrahi; immò ut extrahere, monendo, adhortando, rogando, observando, increpando volentes mordeant, dictis pessimis differant, ac demum etiam calumnijs, imprecationibus, blasphemijs lacerent. Quid ni tales à mortalibus & immortalibus pariter deferantur? Quem isti tandem accusabunt? diabolos? homines? DEVM? nequaquam. Ipsi sibi sunt suorum morborum, ipsi suorum vulnerum, ipsi suorum exitiorum causa.

Quod insigniter expressit Musæus Poëta, in fabula illa, aut fortasse historia Leandri & Erûs, quam heroico descripsit carmine. Hellespontiacum mare, septem tantum stadijs, teste Plinio, Europam ab Asia diuidens, Seston in Europa Erûs patriam, & Abydon in Asia, ex qua fuit Leander, aduersas vrbes habet. Cū itaque Leander Abydenus Sestiam puellam Ero, siue Hero miserè deperiret, non dubitauit, se mari committere, & nocte per Hellespontum ad eam in Sestum transnatare. Quod ubi aliquo-

XIII.

Eccles. 3. 27.

Ouid. ep. 2.
Phyllidis ad
Demopho-
ont.

ties non infelicitate cecidisset, iam audacior factus etiam mari tumido & impacato ausus est se credere, sed vi ventorum fluctuumque victus, ac tandem obrutus periit. Vides canem in aquas, & pericula insilientem? vides aliquoties extractum è tot fluctibus? sed non fuit illi satis periculosum mare: etiam ventos & procelas in suum interitum prouocauit. Tandem igitur magnus natator periit. Quia qui amat periculum, in illo peribit. Nec virorum tantum ea est audacia, sicut Erus amore Leander, ita Phyllis amore Demophontis insaniuit, ut spreto omni periculo, in aquis vellet perire. Ita enim ait;

*In freta procurre, vix me retinentibus undis,
Mobile quàm primas porrigit aquor aquas.
Quò magis accedunt, minùs, & minùs utilis asto,
Lingor, & ancillis excipienda cado.
Est sinus adductos modicè falcatus in arcus,
Vltima prarupta cornua mole rigent.
Hinc mihi suppositas immittere corpus in undas
Mens fuit, & quoniam fallere pergis, erit.
Ad tua me fluctus projectam littora portent,
Occurramq; oculis intumescunt tuis.*

Vides iterum canem in aquis perire cupientem? Leandrum & Phyllidem in pericula sua ire quis coëgit? amor voluptatis; alios adigit amor potandi, ut proinde suos morbos, suasque mortes sibi met debeant ipsis ascribere. Sed hoc genus argumenti, per suas species est discutiendum.

CAPUT XXII.

*Octauam morborum causam, esse homines, non iam alijs,
sed sibi met ipsis, per sua vitia, morbum
accersentes.*

I.
Hippocrati
lib. 1. de
morb.

Verè Hippocrates scripsit: Quacumque necessitatem habent, ut fiant in morbis ac vulneribus mala supra mala, ea ubi fiunt, in medicum culpam reijcimus, & necessitatem talia fieri cogentem, non agnoscimus. Homines enim si sentiant sibi morbos supra morbos accedere, naturam, medicum, DEVM ipsum accu-